


Абул Фатҳ Мұхаммад ибн Аҳмад



15:00 / 06.12.2020 1344

Шайх, имом, ҳофиз, ўрнак бўлувчи, мусанниф, сиқа Абул Фатҳ Мұхаммад ибн Аҳмад ибн Абдуллоҳ ибн Самқувайҳ Асбаҳоний.

Ҳиротда истиқомат қилганлар. Ҳадис илмининг чавандозларидан бўлиб, кўп ҳадис ривоят қилганлар.

Бағдодда Абу Мұхаммад Халлол ва у кишининг табақасидагилардан, Найсобурда Абу Ҳафс ибн Масрурдан, Асбаҳонда Бахрувайҳнинг набиралари Иброҳим ва бошқалардан, Самарқандда шу ернинг мусниди Умар ибн Шоҳиндан, Шерозда ҳофиз Абу Бакр ибн Абу Алидан ҳадис эшитганлар.

409 йилда таваллуд топганлар. Кекалик чоғларида ҳам ҳадис ўрганганлар. Ниҳоятда ибодатли, солих, бошқаларга яхшилик истовчи инсон бўлганлар. Одамлар у кишидан табарукона дуо олганлар.

Бу кишидан Исмоил ибн Мұхаммад Таймий, Абу Абдуллоҳ Даққоқ ва бошқалар ҳадис ривоят қилганлар.

Даққоқ «Рисола» китобларида айтиб ўтганлар: «Ибн Самқувайҳ ҳадис китобларини мукаммал билардилар. Ваҳим (гумон)лари фаҳмларидан кўпроқ эди. Найсобурга Абдулазиз Нахшабийга ҳамроҳ бўлиб борганлар. Ҳиротда бир неча йил варроқлик қилиб яшаганлар. Мен ҳам у киши билан ўша ерда учрашганман. Ўртамиизда сал кек ва ҳасад пайдо бўлган эди». (

*Шу кек ва ҳасад туфайли бўлса керак, Даққоқ бу киши ҳақларида:
«Ваҳимлари фаҳмларидан кўпроқ эди», - деганлар. Бу гапга кўп ҳам
эътибор берилмайди. Чунки бир даврда яшаганлар ўртасида шунга ўхшашиб
холатлар онда-сонда бўлса ҳам, кузатиб турингани тарихдан маълум).*

Бу икки хислат нақадар ёмон. Аллоҳ таоло бизга булардан паноҳ берсин.

482 йили зулҳижжа ойида Найсбурда вафот этганлар.

«Машҳур даҳолар сийрати» китобидан